

道法會元卷之三十一

持八

道法會元卷之三十一

焚

玄樞玉訣祕旨

心者神之舍心中有七孔二毫應天上七星
二輔心中纔動天斗相隨所以萬法之中先
飛斗者心中之斗也又從十二時爲十二月
子時爲冬至午時爲夏至如所指處則於人
心以我念頭作想自於分度法云念頭動處
即天關天關斗柄杓星是也面上一座斗乃
元神出入之戶也左耳爲貪右耳爲巨右眼
爲祿左眼爲文左鼻爲廉右鼻爲武口爲破

軍顛門爲天罡舌爲左輔喉爲右弼所以取
罡炁則以顛門迎之者此也

斗與水同體惟明水位處坎宮明通月曜明
水可以感通法曰告穰所以先務供養可以
無供養且須法像然燈可以無燈不可無香

持八

可以無香不可無水法官若爲自己告穰清

晨用小瓦瓶去井處望空念北斗九星呪一

遍朗元呪一遍左手剔三台陽斗寅陰斗子

飛二斗於瓶中取水一瓶置於淨室焚香默

坐置水面前便想水光接天忽然虛空中現

出斗星一變每一星大如車輪星內金光炳
煥照映十方法官先從本命官起心拜三拜
奏云臣人念明降真光正炁結集身中元神願
得超凡入聖與道合真即吸本命宮之炁不
必參詳但自己存想曰此本命星官也掐掌

上陰斗誌彷彿如有影像仍以本命訣按下
丹田黃氣心包絡况曰元始祖劫化生諸天開
明三景是為天地上無復祖惟道惟身呪畢
既至凝結化成元命真人上清冠霞衣綠玉
圭朱履又存肝青心紅脾黃肺白腎黑五炁

下聚為五色祥雲捧擁元命真人冉冉乘雲
而升中天斗府到此時心同太虚心斗天斗
合而為一存所差將方元帥為我於斗宮請
叩楊耿二使通傳詞意二使出引入御前面
奏臣云某貫屬住止本命年月日時生切念臣

持八

二

某夙有善緣仰荷師資為臣奏補某職重念
臣身處塵凡心歸至道伏為某今宵淨念朝
元恭俟恩旨令臣身中元神變化自然與道
合真願臣飛仙得到虛庭次默念北斗九星
呪至元皇正炁來合我身即叩齒存見九星

光炁注下流入口中隨炁吐納服元皇正炁
訣曰青黑黃赤白綠絳碧玄光從一至於九
服炁餐元皇日與正炁合九竅生光苦令人
得長生魂魄自安康久久遇仙道星真密降
祥精勤無退轉鸞鶴招翱翔

建水盆

謹啓斗中楊耿二仙使者九宮直燈直課宮
君掌水符八卦大神二十四向靈神本家司
命六神詳察見患某身中受病因由及行年
氣運吉凶安危禍福定限只今攝赴水符

關星所指之方分明昭示務要以燈合課以課合符以心合斗以斗合驗毋使各途難明禍福具有真符謹當告下

默念朗元朗元益希曲延曲生明彰報應又念北斗九辰呪以手攪水投符於水盆

持八

三

中劍訣虛書二號

灑

①

蓋盆上

右水符看符尖所指方上以本命尋長生若如木命人則木生在亥亥上是長生若所指併在三煞方或逢三合皆以緊急又有五斗以占星辰五帝占五臟五斗占五

鬼蓋在行持之士靜念虔恪則心自通靈
隨時取用天機神變借口通傳或誤出言
亦無改正必然應口効心萬無一失

默朝上帝

俯伏靜定間八寶林中又曰七寶林中五明
宮內五雷府五雷君即吾元神也乃丹田之
元命真人星衣羽服次默召方元帥捧持心
章囑託前去思集五炁爲五色祥雲捧擁真
人同方元帥冉冉乘雲上昇過靈臺歷十二
重樓過鵲橋度罡風灑炁上昇諸天鬱羅蕭

臺中天斗府到此時心同太虛心斗天斗合
而爲一存方元帥引導至北斗璇璣應靈宮
見有黃金殿在金色妙光之中須臾方元帥
入宮請叩二仙使出現祝云佩籙弟子臣某
身在塵凡飛朝宸極今爲祈禳某請奏斗中

希恩敬爲某事解禳厄運祈保平安仰冀仙
威特垂引進陽日斗中擎羊上仙使者陰日
斗中陀羅妙真使者俱各仗劍引至應靈斗
府入宮進奏兆俯伏玉墀二使接方元帥心
章呈進復引兆至玉闕下則心拜三拜奏云

臣身在塵凡濫叨科簡今為某貫屬信士某
伏為某本命某年月日時生上叨

星真主領命籍延生奏告保佑何如臣領詞虔

切不容緘默依儀進奏仰賴垂慈以今恭祈
道力恩力法力特賜主維俾遂何如以為效信

持八

即念大聖北斗七元君能解三災厄二十四

四

厄內隨換一句呪畢推詳存見皇君覽章見
允不允即心念朗元朗元益帝曲延曲生明
彰報應一遍靜定聽報應心拜三拜不起身
心存而退臣願代天常湛湛復存二使引出

宮見如前方元帥在中天門下等候辭別二使云仰蒙引進實拜恩麻後有朝修猶干保奏頂禮而退二使還宮兆同方元帥從故道而廻從右下至罡風從左下雀橋下重樓回至五雷府即召心將及天醫諸將從神闕同將帥出至病人所除邪治病殄滅妖怪保佑平安次存諸將復從神闕入回至黍珠宮再靜定聽報應而出登壇起伏時復觀壇內外響聲或物類以合前事即云出陰入陽萬神開張關奏事畢請閉黃房呪畢開目叩齒三

通三拜而起再心念臣某願代天常湛湛

祖師云五明宮內八寶林中七寶林中言

之不一皆在下丹田下丹田者左青右白

上赤下黑中央黃下丹田者有名五明宮

一名寶瓶宮一名水晶宮一名五行爐一

持八

五

名龍池一名鳳池一名瑤池一名丹池一

名華池一名七寶池一名阿耨池一名金

利國一名炁海一名天根一名月窟一名

神水一名天玄一名天谷一名玄關一名

谷神一名玄牝一名泥丸一名絳宮一名

混沌神方一名萬神之府一名衆妙之門
一名黃庭一名神室一名丹鼎一名玉爐
異名衆多略舉一二學者下工行用之時
不要執着但只空虛一所無形無影似有
似無一意居中無一絲毫之染着赤洒洒
活潑潑圓陀陀光爍爍地諸司無此而不
行萬法無此而不立得此一竅者惟道自
真得法自靈立基在此結胎在此沐浴在
此脫胎在此行工在此灌漑在此無不在
此凡朝奏之時從此面前徑上謂之黃道

也從背後上謂之黑道也

凡事占必先叩之元辰念文誦呪閉目一瞬息開看之有驗也

占燈

黑暗昧

主公事
晦氣

白

人事
喪車

青

究崇
鬼

黃

犯煞
證遷

紅

延病

七日如血紅燈下黑炆往來

有究
魂

黑白二

炆家先
為禍

白炆籠花

病

發燈時滅或燈盞落地

病亡

燈暗花毬

晦氣

燈中一焰直上不動者

元辰

穩有

動遷延

結花毬落地

三日

花毬平靜

病安

壽

焰紅潤小

通明者

吉

及破其他器用

病

廉

貞燈暗不明者不好明吉暗平滅死風雨吹滅

或虫撲滅凶先小後大吉先大後小凶先暗

後光吉先明後暗凶有花吉無花平青焰伏

憂赤焰口舌光焰喜白焰兵戈黑焰官災黃

赤焰瘟紫焰有喜焰青長吉焰紅長安焰紫光

持八

六

暈紅長安黃花圓淨暈明燈焰定正長木色

先無花後有花本命燈焰長紅黃色大吉皆

一葦成輪凶燈焰長五寸便滅凶風吹不已

災輪黑官司白有孝服黑主家先司命

鬼主有疫疾或赤主血光獄事帶血孕青

凶黃犯土及土地赤婦死鬼南方火鬼

主有邪祟癆瘵伏焰大赤凶燈爆響主火災

尸東方木下之類災吐淚者凶焰黑短小暗色不明主大

三彗有火凶焰青短者凶爆死主呪花在上主有喜事花在下

下財主有諸燈動者主星照光明大紅紫色光

吉散光吉焰長有五色俱備者主大朝奏登

壇雷聲動主墳香爆響主有天曹請聖一應

言詞失脫不來亦主天曹犬吠主有不祥

犬相咬主有官獄訟孝子和尚來主不大抵以燈

紅潤而有花通明者吉無風自動有暗滯焰

長即滅凶主

占物聲吉凶法

猫犬吠叫哭聲主白虎喪車動蜻蜓主有扶蚯蚓引神

閉門啼聲皆已上蛛蟻開門皆大刀斧聲修造

蛾蝶鬪連詛破碎物聲虛耗為祟

占家宅

持八

看家主所屬燈光明吉燈有花主喜燈暗晦氣

燈開花便落破財如燈花開亂不成毬紅焰在

上主有青紅焰相交主寇應月分燈七燈內

事焰短暗應某月分有訟破財

占訟

所屬燈紅焰有花得理十日内納財其燈光

明遇大風訟有解

占六甲

燈有花毬結而不落者主胎見花毬落者主

下而單花男雙花女有風吹花不落者雖有險而

不花落后燈暗而且滅者主產後母花開即

落主生下燈暗花落主母病燈暗而花不落

主母亡燈明花落母右

常占

燈有雙穗而焰開白色者主有雙穗而焰散

者破訟財本命燈有花有毬不落者有

七星占驗

第一日第二月第三木第四命第五火第六妻

男水第七福

占生旺

木長生在亥金在巳火在寅水土在申

長生 沐浴 冠帶 臨官 帝旺

衰 病 死 墓 絕

胎 養

占祿

甲祿到寅乙祿到卯丙戌祿到巳丁巳祿居
午庚祿居申辛祿到酉壬祿到亥癸祿居子
祿前一位是天賊星看明暗知人有盜賊
事凡占病看福祿二星燈是如何

占馬

持八

申子辰馬到寅寅午戌馬居申巳酉丑馬在
亥亥卯未馬在巳

若祿馬二燈明亮焰長好若二燈暗或滅
此係祿馬困皆凶病主重也

官符

申子辰亥上不堪言巳酉丑逢申須歛手寅
午戌巳上動紙筆亥卯未寅上切須忌

訟

寅午戌亥上不須說亥卯未申上勿遭值申
子辰巳上化灰塵巳酉丑寅上休開口

占煞方

申子辰煞落南方巳午未

亥卯未煞落西方申酉戌

寅午戌煞落北方亥子丑

巳酉丑煞落東方寅卯辰

如指方向以本命推之如申子辰生人則煞
在巳午未矣焚符於本命受煞之方依法厭
禳設或逢煞又在坤艮則危乎旦夕若求方
煞遇生旺而與命合者吉三合對衝者亦吉
訟若逢又分賓主在乎機巧求之凡朝告推
驗燈法可以類推取斷吉凶不可執泥隨方
而通變如見本命燈弱者隨本命所屬生旺
方取炁助之不弱主好如助之仍弱主災病
留連

特八

九

身中策應

一身肢體之中忽有動處忽有疼處癢痒轉筋僵仆氣逆咳嗽頭痛皆有魔道交侵心章不達

左目震

右目巽

左鼻坤

右鼻艮

口唇離

左耳乾

右耳坎

左臂震

右臂巽

左足坎

右足坤離

如目跳耳鼻癢痒內動之類借八卦八方之說一同取用

十指痒齋官不至誠頭痒天曹議罰十足指動行持人有過頂門癢熱天門開水道無故

動外魔興害谷道氣泄外魔干擾

占物

五金聲清圓者吉濁者利不燈燭淚吉不香烟清

農者吉燈燭香爆在南方必主火驚如煞方

則七日內見如供獻草葉花木芳鮮者吉焦

枯者利不供器墜地響音惡破者凶清圓者快順

水聲瀉痢木聲輕清在東南者主有重聲在西

北方主有土聲土鬼動蚯蚓作聲主塚雞唱

及時改故雞唱非時則家神亂犬聲大惡訟

聲連延家宅不寧貓聲時行色衣兒啼財喜白衣兒

啼陰小笑語誼噪招惹笑語微微陰私行步

聲重及步步多者凶馬嘶驢叫是哭飛蛾撲

燈凶牛聲地神不猪鵝出聲利不頭左為父頭

右為母左右手為兄弟左右足為奴婢

占訟

特八

看本命燈及流年官符燈焰紅告訟乃元本命

燈好官符燈晦散訟若燈花落財主破燈盞落地

器具落地凶主燈滅者主死於獄直上不動吉

短而動者危燈後遇狂風一陣有險官符則

看廉貞占病則看本命壽燈祿馬燈占兵寇

則看破軍

占家宅

貪狼星為男家主破軍星為女家主祿存星
為兄弟廉貞星為女人武曲星為外親又為
奴婢輔弼為小兒

占風水

看祿存星巨門星又為天賊星

貪地主東巨主東南祿妻妻文子息廉財刑疾

武田園奴僕壽破官職輔小兒弼豪富

日分隨建日辰

金生水 水生木 木生火 火生土

土生金

五行相旺

木旺在卯 火旺在午 金旺在酉

水旺在子 土旺四季

持八

十二

五行相尅

金尅木 木尅土 土尅水 水尅火

火尅金

外報應

欲知奏告妙通靈遠求諸物近諸身猫犬定

知有公訟犬叫由來是哭聲蝙蝠是爲催魂
使蚯蚓還知泉鬼神飛蛾入燈看生死花開
雙隻察枯榮燈帶淚時人必死青爲鬼炁是
災逆藥物動時緊不驗惡虫推破動力兵試
將此法通玄妙便是神仙物外人

報應歌

按擡拖凳是家親簫笛簦笙喜慶真雞鴨孤
魂求解脫拋刀破器損家庭索聲怨炁冤家
債咳嗽聲知察鬼侵相打鬪爭防外撓開門
閉戶賊鬼臨忽聞火爆須防火犬吠誼譁獄

訟平或聽孩聲生獄定靜中走步是虛驚一
 聲清磬知禪瑞歌唱笑聲歡喜臨拖鞋拄杖
 家先鬼敲碗敲臺鬼自刑鼠聲啾啾人論訟
 鳥鵲飛鳴禍患臨風吹樹木防偷盜叫噉連
 聲口舌侵哭聲啼叫喪車動潑水槌衣墳墓
 驚搖鈴打鈸家神動播鉢刀聲犯六神磚瓦
 土聲知有犯長吁掣鎖是牢瘟風馬傳聲家
 進業肅然安靜是平寧起來最向壇中見隨
 意求之是的真



長生

元來此位屬長生萬種千般事事享保病驅
 邪皆立應經營出入任縱橫

標星長生又屬東方生炁之所命不入煞非
 特保生亦且增祿延年設或逢煞又屬西北

方之所而病危篤者定以本命所逢生旺之日有變須大作福禳禱遇險方可如產入煞則生下而亡訟則留連

沐浴

沐浴之方忌老人少年得者半枯榮欲知到

底何凶吉子細看灰暗與明

雖值吉方命若犯煞亦難救解無煞加臨如指兩傍有主筭上生扶之則當所禳水鬼請斗下符法水洗病人五心可保向安孕若東而不入煞可保生育兩全訟擺脫解釋

冠帶

少年冠帶喜周全老大逢之却不然應是經營并出入且宜退守不須前

不利於病如病與小疲則當衣冠端坐平心定忝自可輕安病危疾終有憂疑須依法禳

持八

十四

禮畫登身替代厭禳再求報應問訟乃不勝之勝

臨官

五行一位屬臨官保病應知立便安有訟有官終得理一家眷屬自團樂

宜求社神小疾尋常感冒亦代形厭禳或逢
主筭上生再禳可保疾證危者主凶最宜出
官貴人得力

帝旺

帝旺臨官是吉方凡人得病應時康若還保

佑田蚕事管取千箱興萬倉

訟則訟興病則病旺家宅則家宅旺人財則
人財旺若危病者老人於旺宮加進旺更若
臨煞定於旺日亡矣行持者爲病家急治狂
邪猖傷之鬼求財爵祿必主豐榮盈滿不虧

但須至損抑

衰

次第安排一位衰病人難瘥禍相催莫教火
爆并火黑縱使無凶也皺眉

再襍仍多作福不能遂於衰微以至危困不

持八

十五

可為矣訟宜求和

病

推數斯宮是病方病人終是不離床若求安

樂無煩惱除是看經燒好香

節氣相遇魂魄不寧看所屬方位刑剋傷魔

衝併定遠近日辰訟宜改正

死

方位安排却值死患者壽數止如此萬事不
宜休向前莫待臨期方叩齒

或在艮坤命或逢煞符法救解遇復卦作急
解禳尚恐不免遇升卦可厭禳救解或命不
逢煞又在東南則可厭禳以保訟在官宜求
解仍求禳度

墓

墓庫之方問若何求財稱意莫多囉但看火

暗并灰黑一半愁時一半歌
保病依法厭禳衆吉相扶則可救

胞

次第安排胞絕宮病人一息是難通諸般作
事皆無益燈欲殘時又遇風

病且依法厭禳宜斷後住邪辟瘟防寇盜訟
可結絕

胎

安排此位却當胎占病艱難恐退財若要安
康消病患除非作福叩天台

病入經絡心胃否塞且依本法厭禳亦且遲
滯孕未及時平常遇之喜神發動主有人財
之喜訟憂未散

養

養之一位問如何守分隨緣且恁過不必多

持八

十六

思生妄想急禳夙債與沉痾

病在經絡遲滯胃膈否塞依法厭禳孕防傷
胎已產宜加調和命不入煞及所指東南方
則可養成人訟寬緩不急

東斗主筭

誠感延生兼值生旺則木炁為福必主榮貴
併有喜事重重又若臨胎養主生男女添人
進口之事逢吉交春好

青帝護魂

肝經有病宜奉木炁及叩東嶽或東南廟社
之神得東方青衣之吏救護病不宜於生旺
生旺必危依法厭禳解罪遇春好則秋不利
青天魔王

陰府勾連呪詛事起鬼祟侵擾東方壇神廢
廟木客木下三聖木精木怪又或曾因買木

伐樹或春花果若帶山林花果禾稻等呪詛
冤尤逢煞在卯則有雷驚宜即懺罪或驚觸
雷電風雨旺煞交加雷電震怒若三煞加臨
艮戶皆主大凶訟主枷棒之憂

南斗上生

持八

十七

生旺有火羅為福太陽正照命限逢胎有喜
遇煞須禳已午未生人遇之兼帶則主長壽

赤帝養炁

司命為福病在心經心炁不足主心中有熱
宜叩南方朱衣神吏解之則吉

赤天魔王

命犯火羅南方火鬼若逢煞逢旺必主火災
或弄怪異但若符頭指子與北方斗位則可
厭禳病因司命勾引南方上壇神邪怪及南
方土神不安朱雀飛騰亦能興訟小則口舌
是非田土呪詛事發病者不宜熱藥仍小有
湯火之災瘡疽血光之害訟主官吏性急暴
怒

西斗紀名

金水照天曹錄善滅罪病主遲延進退乃西

方寺觀廟社善願見有白衣人取願宜叩白
衣觀音懺悔訟主遲滯

白帝侍魄

病在肺經陰司五音呪詛事起依法厭禳訟
遲有救

白天魔王

金星不利西方壇邪為禍有金銀銅鐵精怪
為祆及西方上邪巫魘呪逢煞乃帶血傷亡
之鬼宜送入山度嶺有虎驚訟破財不利

北斗落死

罪不可原數盡不禳符頭向南二斗可以再
禳臨煞恐有水厄不然飲水過度水成疾難
醫水星尅命限訟凶失理

黑帝通血

腎經有病再禳解厄可以少延大數有險疾

持八

十八

因飲水過度亦命限水孛為災

黑天魔王

酆都追攝冤訟飲水渡水洗浴成疾北方之
鬼壇神井神不安天瘟罰罪急宜懺謝庶或
可延疾危終險

符沉

一切水符不正中而偏側者皆宅禁土府有
犯方隅龍神不安凡一切符沉除依方向驗
外又看輕重緊緩全沉水厄或飲水傷脾不
可醫解符頭指吉星主生面沉者則命星絕
矣腰中略沉再告禳解此乃犯土敗脾符尖
脚沉者慢神不敬兩告不行須看方向宜加
消詳蓋沉亦有向背在師通變不得一例而
推矣

乾宮

隨事隨方驗秘玄凶逢天譴吉天恩病招西
北五金鬼及有天神願未圓若暝陰雨星辰
逆靖霽天星轉吉躔警策大凶乾上見陰宮
落籍盡天年有救有緣堪奏解羽章七字上
通言

坎宮

持八

十九

默運天關向坎宮元來坎險不宜逢常憂水
厄飲水鬼水鬼為殃炁塞曾陽宅陰堵看水
路衰招鬼賊旺興隆中男消息如何見亦防
險難事重重若逢火命逢災厄解謝祈禳木

日通

艮宮

默召天關指艮方適逢小指尚須防蓋因艮
是鬼門路急遣雷符為袂禳命煞加臨終不
保莫教星煞入衰鄉小男有喜纔堪折無喜
猶疑小口亡若遇五金聲韻響橫來銀貨入
私房

震宮

一初震動見分明春夏光明實本情若是秋
冬多蹇滯一切謀望總無成病逢木鬼金壇

席土命須防有變更定說長男善喜事若云
占產略遭驚木命最嫌金鐵響不然本屬土
長生

巽宮

天關直巽最為宜柔順隨心遇好時兩巳合

謀諸事吉病緣樂極受風吹東南亦有壇神
鬼更防長女有災衰木事發財端的有不防
巽順善求之六甲無憂皆快利定生雙女預
先知

離宮

心斗移時杓正前心安神定保長年炎炎內
擾成災訟攝現群禽更可嫌燈火俱爆防回
祿獸類無端主病煎響聲重時離別去竈君
惹鬼禍相連驅牒南方壇席鬼若詢孕育女
孩添

坤宮

持八

二十

一念先天偶到坤心神和悅炁常存若教事
物隨方現以意推詳次第論吉還吉報陰人
遇凶報凶神土府尊木響聲高為不利金聲
清起善財門問產先須安產母不然剪紙去

招魂

允宮

一念先天允屬金一年百事利秋深開言所
幹皆成就微笑心生喜悅音事物相逢清濁
辨若教火烈必呻吟但因木響為財氣水命
逢之吉慶臨孕育虺蛇來應兆三春不利主
驚心

驗心章倒方法

乾襍謝坎病訟皆凶艮病難震病主巽病無

無離百坤事訟凶兌鬼安遲滯

斷心章指方詩曰

章在中宮斗在天兌宮安樂兩相全乾旋坤
轉宜加禱震怒離凶病不痊坎艮先凶而後
吉巽宮邪怪入身田更防飛出并腰斷病者
看看入九泉

持八

二十一

占雨暘雪

春祈雨占貪祿夏秋廉祿冬雪武寇破功名

貪文

燈明晴燈暗風雲雷雨電雹霹靂



凡觀燈看炁降無一紅白炁或籠花有震動
雨作燈不動其氣赤無雨
道法會元卷之三十一



